

**Bosna i Hercegovina  
Federacija Bosne i Hercegovine  
Zeničko-dobojski kanton  
OPĆINA VAREŠ  
OPĆINSKO VIJEĆE**



**Broj: 01-242/11  
Vareš: 28.12. 2011. godine**

Na osnovu člana 68. Zakona o vodama ("Službene novine Federacije BiH", broj: 70/06), člana 40. i 118. Zakona o vodama Zeničko-dobojskog kantona ("Službene novine Zedo kantona", broj: 17/07), člana 43. stav 1. Pravilnika o uslovima za određivanje zona sanitarne zaštite i zaštitnih mjera za izvorišta voda koje se koriste ili planiraju da se koriste za piće ("Službene novine Federacije BiH", broj: 51/02) i člana 22. Statuta Općine Vareš, broj: 01-25/09 od 29.01.2009.godine, Općinsko vijeće Vareš, na 34. sjednici održanoj dana 28.12.2011.godine, d o n o s i

**O D L U K U  
O ZAŠTITNIM ZONAMA I ZAŠTITNIM MJERAMA  
LOKALNOG IZVORIŠTA „STUDENAC“  
ZA SNABDIJEVANJE VODOM ZA PIĆE NASELJA NEPRIVAJ**

**I OPĆE ODREDBE**

**Član 1.**

Ovom Odlukom utvrđuju se zone sanitarne zaštite lokalnog izvorišta „Studenac“ koje se koristi za snabdijevanje vodom potrošača naselje Neprivaj veličine i granice zona sanitarne zaštite, zaštitne mjere, režimi zaštite i druga pitanja od značaja za provođenje sanitarne zaštite Izvorišta i na izdašnost Izvorišta vode za piće.

**Član 2.**

Lokalno izvorišta (u daljem tekstu: Izvorišta), služi za vodosnabdijevanje vodom za piće potrošača u naseljenom mjestu Neprivaj.

**Član 3.**

Zaštita Izvorišta iz člana 2. ove Odluke vrši se uspostavljanjem i održavanjem zona sanitarne zaštite prema lokalnim uslovima i kratkim tehničkim opisom izvorišta iz ove Odluke, kao i provođenjem zaštitnih mjera utvrđenih ovom Odlukom.

**Član 4.**

Utvrđivanje zona sanitarne zaštite i zaštitnih mjera utvrđenih ovom Odlukom vrši se u cilju zaštite voda Izvorišta od svih vidova zagađenja i štetnih uticaja koji mogu nepovoljno djelovati na higijensku ispravnost vode za piće i na izdašnost Izvorišta.

**Član 5.**

Mjere zaštite Izvorišta utvrđene ovom Odlukom ugradit će se, na odgovarajući način u prostorne dokumente Općine Vareš u skladu sa čl. 8. i 15. Zakona o prostornom planiranju i korištenju zemljišta na nivou Federacije Bosne i Hercegovine ("Službene novine Federacije BiH", broj: 2/06, 72/07 32/08 i 4/10).

Do donošenja novih prostornih dokumenata Općine Vareš, na mjere zaštite utvrđene ovom Odlukom primjenjivat će se odgovarajuća planska dokumentacija o mjerama za zaštitu Izvorišta i ranije doneseni prostorni planovi i ostala planska dokumentacija.

## **Član 6.**

Građenje i rekonstrukcija objekata i njihovo korištenje i obavljanje privredne, komunalne, poljoprivredne, šumarske i druge djelatnosti na području iz člana 5. stav 1. i 2. ove Odluke mogu se vršiti na područjima zona sanitarne zaštite utvrđenih ovom Odlukom samo na način i u mjeri utvrđenoj ovom Odlukom i prema validnoj projektnoj dokumentaciji.

## **Član 7.**

Općinsko vijeće Općine Vareš nadležno za donošenje prostornih dokumenata Općine Vareš u skladu sa Zakonom o prostornom uređenju Ze-do kantona, te za kontrolu provođenja prostornih dokumenata Općine Vareš, organi uprave Općine Vareš, privredna društva, druga pravna lica i građani, dužni su se pridržavati ove Odluke i dosljedno i blagovremeno primjenjivati zaštitne mjere utvrđene ovom Odlukom.

## **Član 8.**

Lokalnim Izvorištem iz člana 2. ove Odluke, u skladu sa odlukom Općinskog vijeća Vareš, upravlja Javno komunalno preduzeće d.o.o. Vareš ( u daljem tekstu: Korisnik vodozahvatnog objekta).

## **II ZAŠTITNE ZONE IZVORIŠTA**

### **Član 9.**

Prema stepenu opasnosti od zagađenja i drugih uticaja koji mogu nepovoljno uticati na zdravstvenu opasnost vode za piće i izdašnost Izvorišta, za ovo Izvorište uspostavljaju se tri zone sanitarne zaštite (u daljem tekstu: Zaštitne zone) i to:

1. prva (I) zaštitna zona kao zona najstrožijeg režima zaštite,
2. druga (II) zaštitna zona kao zona ograničenog režima zaštite,
3. treća (III) zaštitna zona kao zona blagog režima zaštite.

## **III OBUHVAT GRANICE ZAŠTITNIH ZONA IZVORIŠTA**

### **I ZAŠTITNA ZONA- zona najstrožijeg režima zaštite**

### **Član 10.**

Kod kraških izvorišta gdje spadaju lokalna Izvorišta iz ove Odluke, I zaštitnom zonom štite se:

1. kraška izvorišta,
2. ponori, vrtače, rasjedi i druge točke i lokaliteti unutar hidrogeološkog slivnog područja kod kojih postoji izravna komunikacija između površine terena i podzemnih voda (u daljem tekstu: ponori i rasjedi).

## **Član 11.**

Granica I zaštitne zone predstavlja crtu koja mora biti udaljena najmanje 50 metara od lokalnih izvorišta iz ove Odluke, odnosno 24 sata toka podzemne vode do ulaska u vodozahvatni objekat.

U slučajevima kada nije moguće da granica I zaštitne zone bude udaljena najmanje 50 metara od vodozahvatnog objekta, ta udaljenost mora biti najmanje 10 metara, pod uvjetom da se utvrdi da lokalna Izvorišta iz ove Odluke neće biti ugrožena uz obavezan monitoring kakvoće voda i monitoring aktivnosti.

U prvoj zaštitnoj zoni nalazi se i kompletan primarni cjevovod čija zaštitna zona je 1 m' s obje strane cjevovoda.

## **II ZAŠTITNA ZONA-zona ograničenog režima zaštite**

### **Član 12.**

Područje II zaštitne zone za lokalna Izvorišta iz ove Odluke obuhvata prostor od vanjske granice I zaštitne zone do vanjske granice II zaštitne zone posmatrajući svako Izvorište zasebno.

Vanjska granica II zaštitne zone predstavlja crtu od koje je podzemnoj vodi potrebno najmanje četiri dana do ulaska u vodozahvatni objekat, pri čemu ta granica ne smije biti bliža od 1 km od vodozahvatnog objekta.

Vanjska granica II zaštitne zone utvrđuje se prema vremenu koncentracija pripadajućeg orografskog slivnog područja od najmanje 3 sata, pri čemu ta granica ne smije biti bliža od 300 metara od Izvorišta.

## **III ZAŠTITNA ZONA-zona blagog režima zaštite**

### **Član 13.**

Područje treće zaštitne zone obuhvata prostor od vanjske granice druge zaštitne zone kraškog izvorišta i ponora i rasjeda do hidrogeološke vododijelnice kraškog izvorišta, određene pri uslovima eksploatacije Izvorišta.

### **Član 14.**

Korisnik vodozahvatnih objekata određen u članu 8. ove Odluke dužan je obilježiti I zaštitnu zonu Izvorišta, odnosno na odgovarajući način obilježiti prvu zaštitnu zonu Izvorišta i postavljanjem odgovarajućih znakova obavještavanja građana u prvoj zaštitnoj zoni Izvorišta.

Korisnik iz stava 1. ovog člana dužan je granice II i III zaštitne zone obilježiti odgovarajućim znakovima u dovoljnom broju i na tim granicama postaviti znakove (table) upozorenja i obavještavanja građana o tim zaštitnim zonama, te brojevima dežurnih telefona za hitne slučajeve.

## **IV ZAŠTITNE MJERE IZVORIŠTA I REŽIM ZAŠTITE IZVORIŠTA U ZAŠTITNIM ZONAMA IZVORIŠTA**

- 1. Zaštitne mjere za područja obuhvaćena prvom zaštitnom zonom Izvorišta i režim zaštite u toj zaštitnoj zoni**

## Član 15.

Područje I zaštitne zone Izvorišta mora biti ograđeno odgovarajućom sigurnosnom ogradom radi zaštite od neovlaštenog pristupa u I zaštitnu zonu Izvorišta, kao i drugim potrebnim mjerama fizičke zaštite i osiguranja prostora i objekata u prvoj zaštitnoj zoni Izvorišta.

Na sigurnosnoj ogradi, a posebno na ulazu u prvu zaštitnu zonu Izvorišta, obavezno se postavljaju znakovi upozorenja u toj zaštitnoj zoni i zabrana pristupa neovlaštenim licima u tu zaštićenu zonu.

Pristup u područje iz stava 1. ovog člana dozvoljen je samo zaposlenicima Korisnicima vodozahvatnog objekta koje odredi Korisnik vodozahvatnog objekta, nadležnim inspeksijskim organima i organima policije za vrijeme vršenja kontrole, kao i drugim licima, uz posebno odobrenje i evidenciju Korisnika vodozahvatnog objekta.

## Član 16.

Na području I zaštitne zone zabranjeno je obavljanje aktivnosti koje nisu u direktnoj vezi sa normalnim radom i održavanjem vodozahvatnih objekata. Aktivnosti koje se provode u cilju normalnog rada i održavanju vodozahvatnih objekata ne smiju štetno djelovati na Izvorište.

Izuzetno od stava 1. ovog člana, dozvoljene su sljedeće aktivnosti:

1. uzgoj trave, bez upotrebe prirodnog ili vještačkog đubriva, hemijskih sredstava za zaštitu bilja i drugih agro-tehničkih sredstava,
2. provođenje kanalizacije i drugih instalacija koje služe za normalan rad objekata za vodosnabdijevanje pod uvjetom da je projektnim i izvođačkim rješenjima osigurano da te instalacije ne mogu ugroziti Izvorište.

### **2. Zaštitne mjere za područja obuhvaćena drugom zaštitnom zonom Izvorišta i režim zaštite u toj zaštitnoj zoni**

## Član 17.

Na području druge zaštitne zone Izvorišta zabranjeno je izvođenje radova, izgradnja objekata i obavljanje aktivnosti kojima se mogu zagaditi vode do Izvorišta, a posebno:

1. građenje novih naselja, te izgradnja i rad kanalizacije, osim ako je vodonepropusnost kanalizacionih vodova osigurana i kontrolisana;
2. građenje i nekontrolisan rad sportskih i rekreacionih objekata, bez vodonepropusne kanalizacije;
3. formiranje gradilišta i gradilišnih naselja bez sanitarija i vodonepropusne kanalizacije;
4. građenje i eksploatacija izvorišta i bunara koji se ne koriste za javno vodosnabdijevanje;
5. iskopi u vodonosnom sloju, izuzev u kratkom periodu i uz kontrolu kvaliteta podzemne vode;
6. odlaganje svih vrsta krutog otpada i izgradnja deponija, uključujući sanitarne deponije;
7. građenje i rad industrijskih i zanatskih pogona;

8. građenje i rad željezničkih i ranžiranih stanica i terminala i autobuskih stanica, ukoliko nisu poduzete posebne mjere kojim se sprečava zagađivanje Izvorišta;
9. građenje i korištenje skladišta rastvorljivih materija opasnih i štetnih za vodu;
10. građenje i rad stočnih i peradarskih farmi, osim uzgoja 10 grla krupne stoke i peradi u individualnim domaćinstvima za vlastite potrebe, ako je izgrađena i pravilno radi vodonepropusna kanalizacija, odnosno vodonepropusne septičke jame koje se redovito prazne;
11. građenje i eksploatacija cjevovoda za transport hemikalija, tečnih goriva, maziva i drugih opasnih tečnosti;
12. cestovni transport hemikalija, tečnih goriva, maziva i drugih opasnih materija;
13. izvođenje istražnih bušotina za naftu, zemni gas i druge opasne i štetne materije, kao i za mineralnu vodu;
14. eksploatacija mineralnih sirovina;
15. eksploatacija šljunka;
16. građenje i rad uređaja za prečišćavanje otpadnih voda i uređaja za spaljivanje krutog otpada;
17. direktno ili indirektno ispuštanje prečišćenih otpadnih voda na tlo;
18. građenje i eksploatacija cjevovoda za transport hemikalija, tečnih goriva, maziva i drugih opasnih tečnosti, ukoliko nisu preduzete posebne mjere kojima se sprečava infiltracija ovih tečnosti u podzemnu vodu;
19. prerada, manipulacija i skladištenje hemikalija tečnih goriva, maziva i drugih opasnih i štetnih materija određenih propisom iz člana 121. stav 4. Zakona o vodama;
20. izvođenje istražnih bušotina za naftu, zemni plin i druge opasne i štetne materije, kao i za mineralnu vodu, ukoliko nisu poduzete mjere kojima se sprečava infiltracija ili izlijevanje tih materija u podzemnu vodu tj. komunikacije horizon(a)ta sa mineralnim sirovinama i vodonosnog horizonta Izvorišta;
21. otvoreno uskladištenje i primjena hemijskih sredstava opasnih i štetnih za vodu, koja se koriste za zaštitu i rast bilja i za uništavanje korova;
22. građenje i rad postojećih stočnih i peradarskih farmi, ako nisu preduzete posebne mjere kojima se sprečava zagađivanje podzemnih voda;
23. građenje i korištenje poletno-sletnih staza, sigurnosnih površina i površina za prisilno slijetanje u vazdušnom saobraćaju;
24. građenje i korištenje manevarskih i vojnih poligona;
25. izgradnja novih grobalja i proširenje i korištenje postojećih grobalja;
26. direktno ili indirektno ispuštanje otpadnih voda u vodonosni sloj, kao i neprečišćenih otpadnih voda na tlo, uključujući i pražnjenje vozila za čišćenje i odvoz fekalija;
27. građenje i rad industrijskih i obrtnih pogona sa nečistom tehnologijom, koji ispuštaju radioaktivne ili druge za vodu štetne i opasne materije (nuklearni reaktori, petrohemijska industrija, metaloprerađivački pogoni, hemijske fabrike, kožarska industrija i drugo);
28. prerada, manipulacija i skladištenje hemikalija, tečnih goriva, maziva i drugih opasnih i štetnih materija određenih provedbenim aktom koji se donosi na osnovu člana 121. stav 4. Zakona o vodama;
29. privredne i druge aktivnosti kojima se narušava prirodni režim infiltracije, odnosno prihranjivanje podzemnih voda Izvorišta, ukoliko se posebnim mjerama ne osigura umjetno prihranjivanje u količini dovoljnoj za nadoknađivanje izgubljene infiltracije;
30. sječa šume i
31. druge aktivnosti za koje se utvrdi da mogu imati negativne posljedice na Izvorište.

## Član 18.

Na području druge zaštitne zone Izvorišta zabranjuje se izgradnja novih i rekonstrukcija ili nadzidiivanje postojećih stambenih i vikend objekata, kao i individualnih objekata za uzgoj stoke i peradi.

Na području druge zaštitne zone mogu ostati već postojeći stambeni i vikend objekti, te individualni objekti za uzgoj stoke i peradi, ukoliko su priključeni na vodonepropusnu kanalizacionu mrežu ili na vodonepropusne septičke jame koje se prazne po potrebi, a najmanje jednom u 12 mjeseci putem ovlaštenog i za to osposobljenog pravnog lica.

Na postojećim stambenim i vikend objektima i objektima za uzgoj krupne stoke i peradi u individualnim domaćinstvima dozvoljeni su radovi njihovog redovnog održavanja.

### **3. Zaštitne mjere za područja obuhvaćena trećom zaštitnom zonom Izvorišta i režim zaštite u toj zoni izvorišta**

## Član 19.

Na području treće zaštitne zone Izvorišta zabranjeno je izvođenje radova, izgradnja objekata i obavljanje aktivnosti kojima se mogu zagaditi vode Izvorišta, a posebno:

1. građenje i rad uređaja za prečišćavanje otpadnih voda i uređaja za spaljivanje krutog otpada, direktno ili indirektno ispuštanje prečišćenih otpadnih voda na tlo;
2. građenje i eksploatacija cjevovoda za transport hemikalija, tečnih goriva, maziva i drugih opasnih tečnosti, ukoliko nisu preduzete posebne mjere kojima se sprečava infiltracija ovih tečnosti u podzemnu vodu;
3. prerada, manipulacija i skladištenje hemikalija, tečnih goriva, maziva i drugih opasnih i štetnih materija;
4. izvođenje istražnih bušotina za naftu, zemni plin i druge opasne i štetne materije kao i mineralnu vodu ukoliko nisu poduzete mjere kojima se sprečava infiltracija ili izlivanje tih tvari u podzemnu vodu tj. komunikacije horizon(a)ta sa mineralnim sirovinama i vodonosnog horizonta Izvorišta;
5. otvoreno uskladištenje i primjena hemijskih sredstava opasnih i štetnih za vodu, koja se koriste za zaštitu i rast bilja i za uništavanje korova;
6. građenje i rad postojećih stočnih i peradarskih farmi, ukoliko nisu poduzete posebne mjere kojima se sprečava zagađivanje podzemnih voda Izvorišta;
7. građenje i korištenje poletno-sletnih staza, sigurnosnih površina i površina za prisilno slijetanje u vazdušnom saobraćaju;
8. građenje i korištenje manevarskih i vojnih poligona;
9. odlaganje svih vrsta krutog otpada izvan sanitarnih deponija kao i na sanitarne deponije, izuzev kada se one nalaze u područjima koja izgrađuju hidrogeološki nepropusne formacije;
10. građenje novih groblja i proširenje i korištenje postojećih groblja, osim kada se ona nalaze u područjima koja izgrađuju hidrogeološki nepropusne formacije;
11. eksploatacija mineralnih sirovina, osim ako se utvrdi da se tom aktivnošću ne ugrožava kvaliteta podzemne vode na Izvorištu;
12. eksploatacija kamena i šljunka, osim iz posebno kontroliranih i zaštićenih kamenoloma i šljunkara;
13. direktno ili indirektno ispuštanje otpadnih voda u vodonosni sloj, kao i neprečišćenih otpadnih voda na tlo, uključujući i pražnjenje vozila za čišćenje i odvoz fekalija;
14. građenje i rad industrijskih i obrtnih pogona sa nečistom tehnologijom, koji ispuštaju radioaktivne ili druge za vodu štetne i opasne materije (nuklearni reaktori,

- petrohemijska industrija, metalno-prerađivački pogoni, hemijske tvornice, kožarska industrija i drugo);
15. prerada, manipulacija i skladištenje hemikalija, tečnih goriva, maziva i drugih opasnih i štetnih materija određenih provedbenim aktom koji se donosi na osnovu člana 121. stav 4. Zakona o vodama;
  16. privredne i druge aktivnosti kojima se narušava prirodni režim infiltracije, odnosno prihranjivanje podzemnih voda Izvorišta, ukoliko se posebnim mjerama ne osigura umjetno prihranjivanje u količini dovoljnoj za nadoknađivanje izgubljene infiltracije;
  17. cestovni transport hemikalija, tečnih goriva, maziva i drugih opasnih materija bez provedenih mjera zaštite podzemnih voda i odobrenja i pratnje službi ministarstva unutrašnjih poslova;
  18. sječa šume, izuzev u obimu za koji se istraživanjem utvrdi da ne izaziva ili pospješuje eroziju tla i da ne utiče na kvalitativno-kvantitativne karakteristike Izvorišta uz propisane mjere eksploatacije, te izuzev sanitarne sječe;
  19. građenje cesta, izvođenje obimnih zemljanih iskopa i druge aktivnosti koje izazivaju ili pospješuju eroziju tla; i
  20. druge aktivnosti za koje se utvrdi da mogu imati negativne posljedice za Izvorište.

#### **Član 20.**

Privredni, stambeni i drugi objekti izgrađeni u trećoj zaštitnoj zoni Izvorišta prije stupanja na snagu ovog Pravilnika, u slučaju njihove dotrajalosti ili oštećenja, mogu se zamijeniti istim novim objektima, odnosno rekonstrukcijom postojećih objekata.

Za nove ili rekonstruisane postojeće objekte u smislu stava 1. ovog člana, potrebno je na odgovarajući način riješiti dispoziciju otpadnih voda izgradnjom vodonepropusnih septičkih jama potrebnih dimenzija i pražnjenjem fekalija iz tih jama po potrebi, a najmanje jedanput tokom kalendarske godine, od strane specijaliziranog privrednog društva za pražnjenje fekalnih septičkih jama, odvoz fekalija i njihovo pražnjenje.

Službe općinske uprave Općine Vareš nadležne za prostorno uređenje i građenje u postupku izdavanja urbanističke saglasnosti, odobrenja za građenje i upotrebne dozvole po Zakonu o prostornom uređenju i Zakonu o građenju, te pojedinačne upravne akte izdat će u skladu sa st. 1. i 2. ovog člana, uz predhodno pribavljanje vodoprivredne saglasnosti i vodoprivredne dozvole.

#### **Član 21.**

Korisnik vodozahvatnog objekta dužan je odgovarajućim znakovima obilježiti granice treće zaštitne zone.

### **V OSTALE ODREDBE**

#### **Član 22.**

Nadzor nad provođenjem ove Odluke provodi se u skladu sa odredbama Zakona o vodama Zeničko-dobojskog kantona, Zakona o organizaciji organa uprave u Federaciji Bosne i Hercegovine ("Službene novine Federacije BiH", broj: 35/05) i Zakona o inspekcijama u Federaciji Bosne i Hercegovine ("Službene novine Federacije BiH", broj: 69/05), koje se odnose na inspeksijski nadzor.

### **Član 23.**

Nadzor nad sprovođenjem ove Odluke provodi nadležna kantonalna i općinska inspekcija i to:

1. sanitarna inspekcija-kvalitet voda za piće, vodoopskrbne objekte i sanitarne uređaje;
2. komunalna inspekcija-držanje stoke, pernate živine i kunića, ispaša stoke, deponovanje i istresanje otpadnih materijala, pravovremenost priključenja objekata na kanalizacionu mrežu;
3. šumarska inspekcija-za sječu i eksploataciju šume u vodozaštitnom području;
4. građevinska inspekcija-građenje objekata i izvođenje radova;
5. poljoprivredna inspekcija-upotreba vještačkih đubriva i sredstava za zaštitu bilja;
6. vodna inspekcija-u skladu sa čl. 129-140. Zakona o vodama Ze-do kantona.

### **Član 24.**

Upravni nadzor nad provođenjem ove Odluke vrši nadležna općinska služba.

### **Član 25.**

Sastavni dio ove Odluke je topografska karta u razmjeri 1:5.000 u koju su ucrtane granice zaštitnih zona i Izvorišta.

## **VI KAZNENE ODREDBE**

### **Član 26.**

Novčanom kaznom u iznosu od 1.000,00 KM do 15.000,00 KM za prekršaj bit će kažnjeno pravno lice ako vrši sječu i eksploataciju šume u I i II zaštitnoj zoni Izvorišta.

Za prekršaj iz stava 1. ovog člana kaznit će se i odgovorno lice u pravnom licu novčanom kaznom u iznosu od 100,00 KM do 2.000,00 KM.

### **Član 27.**

Novčanom kaznom u iznosu od 500,00 KM do 10.000,00 KM za prekršaj bit će kažnjeno pravno lice ako vrši eksploataciju i sječu šume u II zaštitnoj zoni Izvorišta.

Za prekršaj iz stava 1. ovog člana kaznit će se i odgovorno lice u pravnom licu novčanom kaznom u iznosu od 100,00 KM do 2.000,00 KM.

### **Član 28.**

Novčanom kaznom u iznosu od 100,00 KM do 1.500,00 KM bit će kažnjeno za prekršaj i fizičko lice koje postupa suprotno sa odredbama ove Odluke.



### **Član 29.**

Radnje koje se kvalifikuju kao prestup ili prekršaj iz oblasti šumarstva, poljoprivrede, prostornog uređenja i korištenja voda, biti će sankcionisane po kaznenim odredbama materijalnih zakonskih propisa iz ove oblasti.

## **VI PRELAZNE I ZAVRŠNE ODREDBE**

### **Član 30.**

Pod građenjem objekata, izvođenjem radova i obavljanja aktivnosti, u smislu ove Odluke, smatraju se odgovarajući pojmovi čije je značenje regulisano čl. 34. i 35. Zakona o prostornom planiranju i korištenju zemljišta na nivou Federacije Bosne i Hercegovine.

### **Član 31.**

Za provođenje odredaba ove Odluke odgovoran je Korisnik vodozahvatnog objekta.

### **Član 32.**

Korisnik vodozahvatnog objekta dužan je o ovoj Odluci upoznati javnost na području pružanja usluga, odnosno na području koje obuhvataju zone sanitarne zaštite utvrđene ovom Odlukom.

### **Član 33.**

Sastavni dio ove Odluke čini Elaborat o zaštiti izvorišta „Studenac“ za vodovod naselja Neprivaj.

### **Član 34.**

Ova Odluka stupa na snagu osmog dana od dana objavljivanja na oglasnoj tabli općine Vareš.

**PREDSJEDAVAJUĆI  
OPĆINSKOG VIJEĆA**

Josip Malbašić

Odluka je objavljena na oglasnoj tabli općine Vareš 29.12. 2011. godine

**OPĆINSKI NAČELNIK**

Hamdo Fatić